

## AUGLÝSING

### frá Matvælastofnun um vernd afurðarheitisins „Íslenskt gin / Icelandic gin“ með vísan til landsvæðis.

Matvælastofnun hefur fallist á umsókn Samtaka íslenskra eimingarhúsa um að afurðarheitið „Íslenskt gin / Icelandic gin“ verði skráð sem verndað afurðarheiti með vísan til landsvæðis. Skráningin byggist á lögum nr. 130/2014 um vernd afurðarheita sem vísa til uppruna, landsvæðis eða hefðbundinnar sérstöðu.

Auglýsing þessi um ákvörðun um skráningu afurðarheitis er birt í samræmi við 2. mgr. 16. gr. laga nr. 130/2014. Einnig er afurðarlýsingin birt sem fylgiskjal með auglýsingu þessari, sbr. 14. gr. sömu laga.

Selfossi, 5. nóvember 2024.

F.h. Matvælastofnunar,  
**Viktor Stefán Pálsson.**

#### Fylgiskjal.

### AFURÐARLÝSING afurðarheitisins „Íslenskt gin / Icelandic gin“, sbr. 14. gr. laga nr. 130/2014 um vernd afurðarheita sem vísa til uppruna, landsvæðis eða hefðbundinnar sérstöðu.

#### 1) Afurðarheiti.

Íslenskt gin / Icelandic gin og aðrir undirflokkar t.d. Icelandic Pink Gin, Icelandic Dry Gin, Icelandic London Dry Gin. o.s.frv.

#### 2) Lýsing á afurð, hráefni og helstu eðlis-, efna- og örverufræðilegu eða skynrænu einkenni afurðar.

Okkar umsókn er byggð á sömu skilgreiningu og lögð er fram í reglugerð Evrópusambandsins 2019/787 frá 17. apríl 2019 (on the definition, description, presentation and labelling of spirit drinks, the use of the names of spirit drinks in the presentation and labelling of other foodstuffs, the protection of geographical indications for spirit drinks, the use of ethyl alcohol and distillates of agricultural origin in alcoholic beverages, and repealing regulation (EC) No 110/2008) sem skilgreinir framleiðslu brenndra drykkja og gildir einnig fyrir ríki innan Evrópska efnahagssvæðisins og innleidd er með reglugerð nr. 231/2023 um gildistöku reglugerðar Evrópuþingsins og ráðsins (ESB) 2019/787 um skilgreiningu, lýsingu, kynningu og merkingu brenndra drykkja, notkun heita brenndra drykkja í kynningu og merkingu annarra matvæla, vernd landfræðilegra merkinga fyrir brennda drykki, notkun etanóls og eimis úr landbúnaði í áfenga drykki.

Í þessari umsókn er því bætt við að þessi framleiðsla þurfi að eiga sér stað á Íslandi, hvort sem um er að ræða eimað gin (e. distilled gin) eða blandað gin (e. gin/compound gin/bathhtub gin).

Til þess að flokkast sem íslenskt gin þarf það að fylgja þessari reglugerð frá Evrópusambandinu ásamt því að uppfylla eftirfarandi skilyrði:

- Íslenskt gin skal vera eimað í brugghúsi/eimunarhúsi á Íslandi:
  - Eimun felur í sér bragðbætingu spíra með náttúrulegum kryddjurtum.
  - Eimunin fer fram í þar til gerðum eimunartækjum.
  - Ef um tunnaldrað gin er að ræða skal öldrunin fara fram á Íslandi eða í lögsögu þess.
- Í íslensku gini skal ein af hverjum fjórum kryddjurtum sem notaðar eru við bragðbætingu vera fengnar úr íslenskri náttúru, annaðhvort villtar eða ræktaðar hér á landi:
  - Eingöngu er hægt að nota náttúrulegar kryddjurtir, en ekki gerviefni.

- b) Kryddjurtirnar skulu bragðbæta ginið í eimunarferlinu sjálfu, annaðhvort með beinni íblöndun eða með notkun kryddjurtakörfu.
  - c) Heimilt er að bragðbæta gin eftir eimun, en þó þarf bróðurparturinn af bragðinu að verða til við eimun.
3. Ef þörf er á að vatnsblanda ginið við framleiðslu skal einungis notast við íslenskt vatn.
  4. Pökkun skal eiga sér stað á Íslandi og skal áfengisprósenta ekki vera undir 37,5%.

### 3) Sérstakar reglur um merkingar á viðkomandi afurð.

Íslenskt gin sem stenst þær framleiðslureglur sem settar hafa verið fram í 2. tölulið (Lýsing á afurð, hráefni og helstu eðlis-, efna- og örverufræðilegu eða skynrænu einkenni afurðar), mega vera merktar með þeim skilgreiningum sem er að finna í 1. tölulið (Afurðarheiti). Þær vörur sem ekki standast þessar reglur mega ekki, á beinan eða óbeinan hátt, vísa til þess að varan sé framleidd á Íslandi, t.d. með notkun íslenska fánans, skjaldarmerkisins, íslenskra nafna eða á annan myndrænan hátt ýja að því að hér sé um íslenska vöru að ræða. Ef sótt er um skráningu sem vísar til uppruna eða landfræðilegrar tilvísunar þarf að bæta við eftirfarandi upplýsingum: Skilgreining landsvæðis: Ísland og þær eyjar sem falla undir íslenska lögsögu. Sönnun þess að afurð sé upprunnin á skilgreindu landsvæði: Framleiðandi eimar vöruna á Íslandi og notar til þess íslenskar kryddjurtir að hluta til og íslenskt vatn. Einnig þarf framleiðandi að hafa starfsleyfi frá viðeigandi heilbrigðiseftirliti á Íslandi og framleiðsluleyfi á áfengi frá viðeigandi yfirvaldi. Lýsing á framleiðsluaðferð afurðar og raunverulegum og óbreytilegum staðbundnum aðferðum, upplýsingum um pökkun ef hún verður að fara fram innan hins skilgreinda landsvæðis og ástæður þess að pökkun verður að fara fram innan þess til að standa vörð um gæði eða tryggja uppruna eða eftirlit: Framleiðslulýsing er sett fram í 2. tölulið (Lýsing á afurð, hráefni og helstu eðlis-, efna- og örverufræðilegu eða skynrænu einkenni afurðar). Pökkun skal fara fram á Íslandi, og notast skal við íslenskt bergvatn til niðurbýnningar. Upplýsingar sem staðfesta tengsl milli gæða eða einkenna afurðar og umhverfisins, hvort sem við á; eða tengsl milli ákveðinna gæða, orðspors eða annarra einkenna landbúnaðarafurðar eða matvæla og umhverfisins: Íslenska vöruheitið er dýrmætt sökum hreinnar orku og hreina vatnsins sem við höfum á Íslandi, teljum við að verið sé að villa um fyrir neytendum með gini sem framleitt er erlendis, sem oftast er ekki er spíri með viðbættum bragðefnum.

- a) Skilgreining landsvæðis.
- b) Sönnun þess að afurð sé upprunnin á skilgreindu landsvæði.
- c) Lýsing á framleiðsluaðferð afurðar og raunverulegum og óbreytilegum staðbundnum aðferðum, upplýsingum um pökkun ef hún verður að fara fram innan hins skilgreinda landsvæðis og ástæður þess að pökkun verður að fara fram innan þess til að standa vörð um gæði eða tryggja uppruna eða eftirlit.
- d) Upplýsingar sem staðfesta tengsl milli gæða eða einkenna afurðar og umhverfisins, hvort sem við á; eða tengsl milli ákveðinna gæða, orðspors eða annarra einkenna landbúnaðarafurðar eða matvæla og umhverfisins.

Fyrir liði a-d hér að ofan:

1. Skilgreining landsvæðis: Ísland og þær eyjar sem falla undir íslenska lögsögu.
2. Sönnun þess að afurð sé upprunnin á skilgreindu landsvæði: Framleiðandi eimar vöruna á Íslandi og notar til þess íslenskar kryddjurtir að hluta til og íslenskt vatn. Einnig þarf framleiðandi að hafa starfsleyfi frá viðeigandi heilbrigðiseftirliti á Íslandi og framleiðsluleyfi á áfengi frá viðeigandi yfirvaldi.
3. Lýsing á framleiðsluaðferð afurðar og raunverulegum og óbreytilegum staðbundnum aðferðum, upplýsingum um pökkun ef hún verður að fara fram innan hins skilgreinda landsvæðis og ástæður þess að pökkun verður að fara fram innan þess til að standa vörð um gæði eða tryggja uppruna eða eftirlit: Framleiðslulýsing er sett fram í lið 4.2. Pökkun skal fara fram á Íslandi og notast skal við íslenskt bergvatn til niðurbýnningar.
4. Upplýsingar sem staðfesta tengsl milli gæða eða einkenna afurðar og umhverfisins, hvort sem við á; eða tengsl milli ákveðinna gæða, orðspors eða annarra einkenna landbúnaðarafurðar eða matvæla og umhverfisins: Íslenska vöruheitið er dýrmætt sökum hreinnar orku

og hreina vatnsins sem við höfum á Íslandi, teljum við að verið sé að villa um fyrir neytendum með gini sem framleitt er erlendis, sem oftast en ekki er spíri með viðbættum bragðefnum.

---

B-deild – Útgáfudagur: 27. nóvember 2024